

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

Epistola VII. Caelestini Papae III. Ad H̄bertvm Archiepiscopvm  
Cantvariensem. Ei legationem apostolicae sedis committit.

**urn:nbn:de:hbz:466:1-15974**

clusis vicariis & clericis eiusdem ecclesiæ, in ea ministrare, & contra approbatam & antiquam consuetudinem loca & stalla personarum in choro & capitulo usurpan tes ordinem ecclesiæ peruertere præsumperunt. Volentes vero huiusmodi præsumptionibus, prout conuenit, obuiari, discretioni vestrae per apostolica scripta præcipiendo mandamus, quatenus, si vera sunt quæ præmisimus, præsumptores illos, ut ipsi ecclesiæ sancti Petri & canonice super his in præsentia vestra debitam satisfactionem exhibeant per censuram ecclesiasticam, appellatione postposita, compellatis. Damna etiam, quæ per eosdem clericos prædicto capitulo constitut irrogata, sicut iustum fuerit, resarciri faciatis: quod si omnes his exequendis interesse nequiveritis, duo vestrū ea nihilo minus exequantur. Datum Romæ apud sanctum Petrum secundo Kalendas Iunii, pontificatus nostri anno quarto.

## EPISTOLA VII.

## CÆLESTINI PAPÆ III.

AD HVBERTVM ARCHIEPISCPVM  
CANTVARIENSEM.

Ei legationem apostolicae sedis committit.

*Cælestinus episcopus seruus seruorum Dei venerabili fratri Huberto  
Cantuarienſi archiepiscopo apostolicae sedis legato salutem  
& apostolicam benedictionem.*

**S**INCERITAS deuotionis & fidei consuetæ, quam Anglicana semper ecclesia circa sacroſanctam Romanam ecclesiam conseruauit, in tua (sicut bene confidimus) prouidentia, & virtute refloruit, & placidi feruoris acceptabile \* incrementum, talis enim ad Romanam ecclesiam tuæ fraternalitatis emanauit opinio, quæ in tuæ honestatis odore nos recreat, & constantiæ quam habes vigore confortat; ita ut confidentiam, quam de tua probitate concepimus, in nostro iam apertius opere declaremus. Supplicante itaque carissimo in Christo filio nostro Richardo illustri rege Anglorum, & vniuersis suffraganeis Cantuariensis ecclesiæ, ut Anglicana ecclesia legatum

*Concil. Tom. 28.*

H ij

## 60 CÆLESTINI PAPÆ III.

apostolicæ sedis pro suis & regni profectibus obtineret; tum pro deuotione, quam ad Cantuariensem ecclesiam pro meritis illius glorioſi martyris habemus; tum pro tuæ probitatis & honestatis intuitu, eorum precibus affensum præstítimus & fauorem, maxime quia multum credimus ecclesiæ & regni vtilitatibus expedire, si talem in ministerio supradicto regio illa recipiat, qualem prædicti regis, & eorum instantia de conuersationis merito & fidei deuotione commendat: ideoque nos ad honorem Dei, & Cantuariensis ecclesiæ salutem, & pacem per totum regnum Angliæ (non obstante exceptione vel priuilegio venerabili fratri nostro Gaufrido Eboracensi archiepiscopo, aut ecclesiæ suæ vel alii facto) officium tibi legationis concedimus, per apostolica scripta mandantes, quatenus illam cum fraternæ obedientiæ humilitate suscipias, & secundum datam tibi cælitus facultatem ad emendandum ea quæ necesse est emendari, & ad statuenda quæ fuerint statuenda, debita diligentia manum auctoritate ipsius legationis apponas; ita nimirum in omnibus reuerentiam matris tuæ Romanæ ecclesiæ prompta detiotione custodiens, vt eam de profectu ministerii, quod tibi læta committit, tuis etiam facias operibus lætiorem. Datum Laterani xv. Kalendas Aprilis, pontificatus nostri anno iv.

## EPISTOLA VIII.

## CÆLESTINI PAPÆ III.

AD OMNES ANGLIÆ EPISCOPOS.

De reuerentia exhibenda Huberto Cantuariensi archiepiscopo, sedis apostolicæ legato.

*Cælestinus episcopus seruus seruorum Dei venerabilibus fratribus in Christo Eboracensi archiepiscopo, & uniuersis episcopis, & dilectis filiis abbatibus & prioribus, & aliis ecclesiistarum prælatis per regnum Angliæ constitutis, salutem & apostolicam benedictionem.*

**D**IVINÆ sapientiæ inscrutabilis altitudo sacrosanctam ecclesiam in huius mundi latitudine stabiliuit, & ita regimen & gubernationem in ipsius inimitabili prouisione esse voluit, vt ad eam salubriter gubernandam plures assumerentur in partem solitudinis, quamvis pro vnitate